



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 3 Zakona o povjeravanju javnih ovlasti (Službeni glasnik Brčko distrikta BiH, brojevi: 6/04, 19/07 i 11/09) člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 – prečišćeni tekst 17/20 i 24/20) i Prijedloga odluke Vlade Brčko distrikta BiH, broj: 02-000155/20, broj akta: 01.11-1161DS-029/20 od 4. 9. 2020. godine, Skupština Brčko distrikta BiH na 67. redovnoj sjednici održanoj 23. septembra 2020. godine, donosi

O D L U K U

O POVJERAVANJU JAVNIH OVLAŠTENJA IZ OBLASTI TEHNIČKIH PREGLEDA VOZILA

Član 1 **(Predmet)**

Ovom odlukom povjeravaju se javna ovlaštenja pravnom licu „**CENTAR ZA TEHNIČKE SISTEME**“ d.o.o. Brčko distrikt BiH, Donja Brka b.b. kao stručnoj instituciji za oblast tehničkih pregleda vozila (u daljnjem tekstu: Stručna institucija).

Član 2 **(Povjereni poslovi)**

- (1) Stručna institucija iz člana 1 ove odluke, u okviru javnih ovlaštenja obavljat će poslove iz nadležnosti Odjeljenja za javne poslove, koji se odnose na rad stanica za tehnički pregled vozila i to:
- utvrđivati da li su ispunjeni uslovi za rad stanica za tehnički pregled vozila u Brčko distriktu BiH,
 - propisivati detaljnu tehnologiju postupka i procedura za obavljanje tehničkih pregleda, te uputstva za pregled pojedinih vrsta vozila zavisno od njihovih tehničkih karakteristika,
 - davati pisana stručna uputstva i informacije, posebno s ciljem izjednačavanja postupanja prilikom tehničkog pregleda i podataka kojima se koriste,
 - vršiti stručne kontrole nad radom stanica tehničkog pregleda, kontrolora tehničke ispravnosti vozila i vođa stanice za tehnički pregled, uređaja i opreme,
 - vršiti stručno osposobljavanje i organizovati periodične provjere znanja vođa stanice i kontrolora koji rade na stručnim poslovima tehničkog pregleda vozila,
 - dva puta godišnje podnositi izvještaj o radu u okviru kojeg vrši sistematizovanje podataka i njihovu analizu s prijedlogom mjera za poboljšanje stanja u oblasti tehničkih pregleda vozila,
 - uspostaviti informacioni sistem u svrhu podrške rada stanica za tehnički pregled vozila, i uvezati ga s nadležnim organima i institucijama, te brinuti o njegovom održavanju i pouzdanosti,
 - izraditi i održavati jedinstveno programsko rješenje za automatsku obradu izmjerenih vrijednosti, osigurati njihovo pohranjivanje u bazu podataka i mogućnost ispisa rezultata mjerenja uključujući i grafički prikaz,
 - osigurati pretpostavke (*software, hardware i liverware*) za preuzimanje podataka iz baze podataka o homologaciji vozila u sistem informatičke podrške rada stanica za tehnički pregled vozila,
 - osigurati tehničke uslove za uvezivanje jedinstvenog informacionog sistema s podacima iz baza podataka o saobraćajnim nezgodama,
 - vršiti izradu i distribuciju obrazaca bar-koda,

- l) objedinjavati sve podatke o tehničkim pregledima iz stanica za tehnički pregled vozila u informatičkom obliku i čuvati ih deset godina,
- m) izrađivati stručne publikacije iz oblasti tehničkog pregleda vozila, a posebno literaturu potrebnu za stručno osposobljavanje i periodičnu provjeru znanja kadrova na stanicama za tehnički pregled,
- n) voditi podatke o licencama i certifikatima za kadrove, uređaje i opremu na stanicama za tehnički pregled,
- o) dostavljati izvještaje, podatke i dokumente od značaja za vršenje upravnog nadzora najmanje dva puta godišnje,
- p) ostvarivati saradnju sa stručnim naučnim organizacijama, institutima i preduzećima i drugim pravnim licima iz oblasti tehničkog pregleda vozila,
- q) pratiti propise iz oblasti kontrole ispravnosti vozila koje donose susjedne zemlje, Evropska unija i druge međunarodne organizacije i institucije, te o svim izmjenama informisati nadležne organe,
- r) podnositi godišnji izvještaj o radu o obavljenim poslovima za prethodnu godinu,
- s) obavljati i druge stručne i administrativne poslove po nalogu Odjeljenja za javne poslove Vlade Brčko distrikta BiH.

(2) Poslovi iz stava 1 ovog člana povjeravaju se na period od 1. 1. 2021. godine do 31. 12. 2030. godine.

Član 3

(Način vršenja poslova u obavljanju javnih ovlaštenja)

(1) Stručna institucija iz člana 1 ove odluke će povjerene poslove vršiti u skladu sa Zakonom o prevozu u drumskom saobraćaju Brčko distrikta BiH – prečišćeni tekst (Službeni glasnik Brčko distrikta BiH, broj 5/18), Pravilnikom o tehničkim pregledima vozila (Službeni glasnik BiH, broj 33/19), Zakonom o povjeravanju javnih ovlaštenja (Službeni glasnik Brčko distrikta BiH, brojevi: 6/04, 19/07 i 11/09), Odlukom o visini naknada koje se plaćaju pri registraciji vozila u Brčko distriktu BiH (Službeni glasnik Brčko distrikta BiH, broj 2/14) i Odlukom o vremenskim normativima za tehnički pregled vozila (Službeni glasnik Brčko distrikta BiH, broj 4/15), kao i izmjenama i dopunama navedenih propisa.

(2) U vršenju javnih ovlaštenja Stručna institucija je dužna da saraduje s državnim organima i sa stručnim institucijama koje su izabrane u entitetima Bosne i Hercegovine, a s ciljem unapređenja rada u oblasti tehničkih pregleda vozila.

(3) Stručna institucija može pokrenuti inicijativu i predložiti preduzimanje aktivnosti radi unapređenja stanja u oblasti tehničkih pregleda vozila, s ciljem usklađivanja sa standardima i propisima koji se primjenjuju u Evropskoj uniji.

Član 4

(Finansiranje)

(1) Stručna institucija će se finansirati iz cijene usluge tehničkog pregleda, prema raspodjeli utvrđenoj Jedinstvenim cjenovnikom usluga tehničkih pregleda vozila u Bosni i Hercegovini, koji je sastavni dio Pravilnika o tehničkim pregledima vozila.

(2) Stručna institucija će vršiti obračun iznosa cijene usluge tehničkog pregleda vozila koji pripada Budžetu Brčko distrikta BiH i dostavljati mjesečni i godišnji izvještaj Odjeljenju za javne poslove i Direkciji za finansije Brčko distrikta BiH.

(3) Međusobna prava i obaveze između ugovornih strana, Stručne institucije i Brčko distrikta BiH – Odjeljenja za javne poslove će se regulisati ugovorom koji će u ime Brčko distrikta BiH potpisati šef Odjeljenja za javne poslove.

Član 5

(Nadzor)

(1) Upravni nadzor nad radom stručne institucije vrši Odjeljenje za javne poslove Vlade Brčko distrikta BiH.

(2) Stručna institucija podnosi organu iz stava 1 ovog člana izvještaj o vršenju povjerenih poslova dva puta godišnje.

(3) Na zahtjev organa uprave iz stava 1 ovog člana Stručna institucija dostavlja podatke i dokumente koji su od značaja za vršenje nadzora u obavljanju javnih ovlaštenja.

(4) Ako Stručna institucija kojoj su povjerena javna ovlaštenja ne vrši povjerene poslove u skladu sa zakonom i drugim propisima, nadležan organ koji vrši upravni nadzor obavezan je da pismeno upozori Stručnu instituciju i predloži mjere za rješavanje tog pitanja u skladu sa zakonom.

Član 6 (Prestanak javnih ovlaštenja)

Javna ovlaštenja povjerena ovom odlukom prestaju odlukom Skupštine Brčko distrikta BiH, u sljedećim slučajevima:

- a) ako Stručna institucija prestane da ispunjava bilo koji od propisanih uslova na osnovu kojih su povjerena javna ovlaštenja,
- b) ako na zahtjev organa koji vrši upravni nadzor, a najmanje dva puta godišnje ne dostavi izvještaj ili ne dostavi podatke i dokumente od značaja za vršenje upravnog nadzora,
- c) ako izvještaj o radu Stručne institucije ne bude pozitivno ocijenjen od strane organa koji vrši upravni nadzor,
- d) prestankom rada Stručne institucije,
- e) istekom roka na koji su povjerena javna ovlaštenja,
- f) ako se nadležno odjeljenje stručno i kadrovski osposobi za obavljanje povjerenih poslova.

Član 7

Ova odluka stupa na snagu danom donošenja, a primjenjivat će se od 1. 1. 2021. godine.

Član 8

Ova odluka objavit će se u Službenom glasniku Brčko distrikta BiH.

Broj: 01-02-1022/20

Brčko, 23. 9. 2020. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za javne poslove
5. Pravnom licu „Centar za tehničke sisteme“ d. o. o. Brčko distrikt BiH
6. Sektoru za opće poslove i strateško planiranje
7. Arhivi